

## M143: Merigarto

- 0,a    –[...] deme mere dô gap .  
 0,1    daz ne übergie iz nie sît .  
 0,2    sô Dâvît quît .  
 0,1    iz ûz löufet vruo .  
 0,c    und  
 0,2    îlet wider în ze nône .
- 1,1    dô er di erde und daz mere geschiet .  
 1,2    dô ne liez er di erde doch âne wazzer nieht  
 1,3    ûz der erde sprungen  
 1,4    manicslahte brunnen .  
 1,5    manic michel sê  
 1,6    in hoehe und in ebene  
 1,7    wazzer genuogiu  
 1,8    dei schif truogen .  
 1,9    dei diu lant durchrunnen .  
 1,10    manigen nutz brungen .  
 1,11    der dâ kûme wære  
 1,12    ob iz an deme schiffe dar ne koeme .  
 1,13    michele berge  
 1,14    schinen dô an der erde .  
 1,15    die sint vile hôch .  
 1,16    habent manigen dicken lôch .  
 1,17    daz mac man wunderen  
 1,18    daz dâr ie ieman durch quam .  
 1,19    dâ mit sint dei rîche  
 1,20    geteilet ungelîche .  
 1,20a    –[...] durch  
 1,20b    –[...] –[...] wære durchvertic diu erde  
 1,20c    durch daz wazzer ouch –[...] [...]
- 1,20d    –[...] –[...] –[...]
- 1,20e    –[...] –[...] –[...]
- 1,20f    –[...] –[...] – –
- 1,20g    –[...] – –
- 1,20h    –[...] – – [...]
- 1,20i    – vallen . sô ne –[...] –
- 1,20j    – – –[...] – sô got unser –[...] –
- 1,20k    –[...] – –[...] –[...] – – – sich ne wandelet

1,20l –[...] . iz ne kome rehte  
 1,20m –[...] niehtes – . ich ne  
 1,20n müeze –[...] – –[.] –[.]  
 1,20o –[.....] – –[...] –  
 1,20p –[.....] – –[.....] – . –  
 1,20q –[.....] –  
 1,20r de maris diuersitate  
 1,21 nû sagen wir ze êrest .  
 1,22 von ist[.....] .  
 1,23 daz . ne ist nicht in iegelîchere stete .  
 1,24 al in eineme site .  
 1,25 nâch iegelîcheme lande .  
 1,26 wæne iz sînen site wende .  
 1,27 nâch iegelîcher erde  
 1,28 wæne iz vare werde .  
 1,29 der von Arabia veret  
 1,30 in Egiptelant in sînem werbe .  
 1,31 der quît man vare  
 1,32 über daz rôte mere .  
 1,33 des griez sî sô rôt .  
 1,34 als ein minic und ein bluot .  
 1,35 inne des und diu erde gêt .  
 1,36 sô dunket daz mere rôt .  
 1,36a de lebermere .  
 1,37 ein mere ist geliberet .  
 1,38 daz ist in deme wendelmere westeret .  
 1,39 sô der starke wint  
 1,40 gewirfet dei schef in den sint .  
 1,41 ne magen die biderben veren .  
 1,42 sich des nieht erwerben .  
 1,43 si ne müezen vollevaren .  
 1,44 in des meres barm .  
 1,45 ach ach denne .  
 1,46 sô ne koment si dannen .  
 1,47 si ne welle got loesen .  
 1,48 sô müezen si dâ vûlen .  
 1,48a de Regenbertô episcopo  
 1,49 ich was ze Utrihte .  
 1,50 in urliugevlûhte .  
 1,51 want wir zwêne bischove hêten .  
 1,52 die uns manigiu lêre tâten .  
 1,53 dô ne mahte ich heime wesen .  
 1,54 dô schuof in ellende mîn wesen .  
 1,55 dô ich ze Utrihte quam .  
 1,56 dâ vant ich einen vile guoten man .  
 1,57 den vile guoten Regenbreht .  
 1,58 er uobte gerne allez reht .  
 1,59 er was ein wîse man .

1,60 sô er gote gezam .  
 1,61 ein êrhaft pfaffe  
 1,62 in aller slahte guote .  
 1,63 der sagete mir ze wære .  
 1,64 sam andere genüege dare .  
 1,65 er wære vile gevarn in Îslant  
 1,66 dâ er micheln rîchtuom vant .  
 1,67 mit melwe joch mit wîne .  
 1,68 mit holze erlîneme .  
 1,69 daz koufent si ze viure .  
 1,70 dâ ist wite tiure .  
 1,71 dâ ist alles des vile .  
 1,72 des ze râte . triffet und ze spile .  
 1,73 niuwan daz dâ ne schînet sunne .  
 1,74 si darbent dere wünne .  
 1,75 von diu wirdet daz îs dâ .  
 1,76 ze kristallen sô herte .  
 1,77 sô man daz viur dâr übere machet .  
 1,78 unze diu kristalle erglüejet .  
 1,79 dâ mite machent si ire ezzen .  
 1,80 unde heizent ire gadem  
 1,81 dâ gît man ein erlîn schît .  
 1,82 umbe einen pfenninc .  
 1,83 dâ mite [...]

2,1 daz ich ouch hôrte sagen .  
 2,2 daz ne wile ich nicht verdagen .  
 2,3 daz in Tuskâne .  
 2,4 rinne ein wazzerbrunne schoene  
 2,5 und sich daz berge .  
 2,6 an einen wisen under der erde .  
 2,7 unde man sîn sô mange .  
 2,8 wole zehen jûche lenge .  
 2,9 an daz selbe velt .  
 2,10 sluogen zwêne hêren ire gezelt .  
 2,11 die manige zîte  
 2,12 wârn in urluiges strîte  
 2,13 dô si des wurden sat .  
 2,14 dô sprâchen si einen tac  
 2,15 daz si ez suonten  
 2,16 mêrre andere ne hônten .  
 2,17 dâ daz wazzer under gie  
 2,18 ein samenunge dâ nider viel .  
 2,19 diu anderiu erbeizte  
 2,20 dâ ez wider ûz wâzte .  
 2,21 dâ gienc ein man  
 2,22 wolte dâ bî geruowen .  
 2,23 der vernam alle die ræte

2,24 die di oberen tâten .  
2,25 dô er ez rehte vernam .  
2,26 dô gie er ze deme hêrren .  
2,27 er sagete ime geswâse .  
2,28 dere vîande gekoese .  
2,29 er bat in sîn stille  
2,30 hiez in iz nicht melden .  
2,31 unde gie mit an die stat  
2,32 dâ er êr eine lac .  
2,33 unde vernam selbe  
2,34 dere vîande gekoese  
2,35 ûf schoup er den tac  
2,36 lobete in wider an die selben stat .  
2,37 mit den er wolte .  
2,38 legete er sich an des wazzeres ûzbulze  
2,39 nâch diu si dâ vernâmen .  
2,40 die suone si vrumeten .  
2,41 daz ist ouch ein wunder .  
2,42 daz schrîben wir hier under .  
2,43 ein wîzer brunne bî Rôme .  
2,44 springet vile schône .  
2,45 deme dei ougen sêretzen .  
2,46 der île si dâr mite netzen .  
2,47 über kurze stunt .  
2,48 sint si ime gesunt .  
2,49 in Môrlant ist ein sê .  
2,50 der machet den lîp schoene .  
2,51 der sich dâr mite bestrîchet .  
2,52 diu hût ime glîzet .  
2,53 alleswâ ist ein brunne .  
2,54 der machet sûeze stimme .  
2,55 der heis ist .  
2,56 getrinket er sîn einest .  
2,57 er singet sô lûte .  
2,58 daz iz wunderent dei liute .  
2,59 sumelich brunne  
2,60 erleidet wînes wûnne .  
2,61 ze einem urspringe .  
2,62 quît man zwêne rinnen .  
2,63 swer des einen gesupfe .  
2,64 daz der übele gehügge .  
2,65 der aber des anderen gelecke  
2,66 daz der niehtes ergezze  
2,67 man quît ouch sî ein brunne  
2,68 dâ man abe brinne  
2,69 von huorgeluste  
2,70 enbîze er es sô inen dürste .  
2,71 ouch sagent manige

2,72 ein wazzer sî in Kampania  
 2,73 daz nieman sî sô unbære  
 2,74 getrinket dâre  
 2,75 wîp oder man .  
 2,76 si megen sâr kinden  
 2,77 die ouch gehalten wellent ire geburt .  
 2,78 die bûezent dâ den durst .  
 2,79 zwêne brunnen sint in Sicilia .  
 2,80 kumet dare zuo karl oder winege .  
 2,81 unde koren si des einen  
 2,82 sô ne . durfen si kindes menden[.] .  
 2,83 an dem anderen  
 2,84 magen si[.....] wuocheren  
 2,85 ouch sint zwô ahe  
 2,86 unde in gelîcheme pfade .  
 2,87 diu eine ist dâ sô guot  
 2,88 daz si daz schâf wîz machet .  
 2,89 ab dem anderen iz swarz wirdet  
 2,90 ob iz in ofte trinket .  
 2,91 werdent dei wazzer zesamene gemischt .  
 2,92 unde wirdet iz dâr mite getrenket .  
 2,93 sô quedent si diu wolle .  
 2,94 ersprechele mitalle  
 2,95 in Idomea quît man  
 2,96 ouch sî ein ahe  
 2,97 diu wandele die varwe .  
 2,98 des jâres vier werbe .  
 2,99 drî mânôde ist si trûebe  
 2,100 drî ist si grasegrüene  
 2,101 drî bluotvare  
 2,102 drî ist si lûter algare  
 2,103 alleswâ ist ein sê  
 2,105 der wirdet drîe stunt sô bitter  
 2,106 êr der tac werde tunker  
 2,107 after diu ist er in munde  
 2,108 süeze unde linde  
 2,109 in Sardinia  
 2,110 ne sint nieht diebe manige  
 2,111 daz ist vone diu .  
 2,112 und ich sage iu .  
 2,113 daz ein brunne dâ springet .  
 2,114 die siechen ougen er erzenet  
 2,115 der ouch ieht verstilet .  
 2,116 borelange –[.....] .  
 2,117 gesweret er meines .  
 2,118 unde getrinket er sîn einest  
 2,119 daz gesiune er sô verliuset .  
 2,120 daz er noch sâr wegeschîmen kiuset